

Adressas

uniun da cussegliaziun per mammas e per babs Cuira

tel. 081 284 10 26, en las regiuns vesair feagl uffizial
servetschs socials regiunals u communal
vesair cudesch da telefon

post da cussegliaziun e d'intermediaziun

per la tgira d'uffants cumplementara a la famiglia, Cuira
tel. 081 284 84 01

post svizzer per dumondas d'adopziun, Turitg

tel. 01 360 80 90

cussegliaziun giuridica da la centrala da dunnas dal Grischun, Cuira

tel. 081 284 80 75

Ulteriuras brochuras d'infurmaziun dad *:adebar*»

Dretgs ed obligaziuns
da geniturs nunmaridads

Gravidanza, maternitad,
dretg da lavur

En speranza senza prevair / vulair?
Infurmaziuns davart l'interrupziun da la gravidanza

La brochura «En speranza senza prevair / vulair? Infurmaziuns per geniturs en cas d'ina gravidanza betg planisada» è vegnida lantschada per iniziativa da la cummissiun da dunnas dal cussegl da baselgia e cun il sustegn finanziel da la baselgia evangelica reformada dal Grischun.

En speranza senza prevair / vulair? Infurmaziuns per geniturs en cas d'ina gravidanza betg planisada

:adebar»

**Post grischun
da cussegliaziun
per planisaziun
da famiglia,
sexualitad,
gravidanza e
partenadi**

Sennensteinstrasse 5 · 7000 Cuira
telefon 081 250 34 38
fax 081 250 34 39

E-mail: beratung@adebar-gr.ch
www.adebar-gr.ch

Ina gravidanza imprevisa po provocar numerusas dumondas, malsegirtads e temas. Forsa As para en quest mument Vossa situaziun da vita difficila ed in uffant As chaschunass ulteriurs problems. Eventualmain As faschais Vus la dumonda: Dumogn jau u dumagnain nus la situaziun cun in uffant?

La brochura qua avant maun As infurmescha, tge purschidas che stattan a disposiziun a Vus sco futura mamma u sco futurs geniturs e nua che Vus pudais duman- dar agid. Sche Vus essas malsegira u malsegirs e sche Vus giavischais in ulteriu- r sustegn per Vossa decisiun, discurre cun Vossa media u cun Voss medi ubain As drizzai al post da cussegliaziun incumbensà dal chantun **:adebar»**, post da cus- segliaziun per planisaziun da famiglia, sexualitad, gravidanza e partenadi a Cuira, **tel. 081 250 34 38**. Las purschidas dad **:adebar»** èn gratuitas e las cusseglia- dras èn obligadas a discreziun. I po sa tractar d'ina cussegliaziun unica u d'in accum- pagnament che dura pli ditg durant il temp da la procedura da decisiun, durant la gravidanza u suenter la naschientscha.

Sche Vus purtais or la gravidanza, As stattan a disposiziun las suandantas pur- schidas da cussegliaziun e da sustegn.

Cussegliaziuns

Durant la gravidanza e suenter la naschientscha As sustegnan las cusseglia- dras dad **:adebar»** cun in accompagnament professiunal e persunal p. ex. pertutgant ils temas gravidanza e dretg da lavur, regulaziun da la paternitad, daventar geniturs senza esser maridà, e. u. v. Sche la gravidanza imprevisa ha per consequenza ch'i dat conflicts tranter il pèr, purschain nus er cussegliaziuns da pèrs.

In ulteriu- r sustegn As porscha la cussegliaziun per mammas e per babs da Vossa regiun. Sia purschida cumpiglia visitas a chasa, cussegliaziuns en durant in suenter- mezdi e cussegliaziuns per telefon. Ultra da quai vegnan organisads curs per futurs geniturs, curs en la massascha da poppins ed en la tgira d'uffants pitschens.

Finanzas

En il chantun Grischun survegnan – tras lescha – ils geniturs u las mammas senza entradas u cun pitschnas entradas fin 10 mais suenter la naschientscha contribu- ziuns da maternitad. La finamira dal sustegn finanzi- al è quella ch'in genitur possia sa deditgar dal tutfatg a l'assistenza ed a la tgira da l'uffant ed haja temp per s'organisar in'activitad da gudogn e la tgira da l'uffant.

Per las dumondas da contribuziuns da maternitad èn cumpetents ils servetschs socials regiunals e communal.

Instituziuns socialas, fundaziuns e fonds porschan – sin ina dumonda motiva- da – in agid finanzi- al transitoric en connex cun la naschientscha d'in uffant. As infurmai ad in da noss posts da cussegliaziun.

Cur che tut las pussaivladads d'obtegnair entradas e da survegnir in agid transitoric èn exauridas e sch'ina meglieraziun da la situaziun finanzi- ala n'è betg realistica a curta vista, pudais Vus far ina dumonda **d'agid social**.

Geniturs nunmaridads èn obligads da concluder in contract da mantegniment per lur uffant. Sch'il bab n'ademplescha betg sia obligaziun da pajar, pudais Vus As laschar **anticipar ils pajaments d'aliments** tras Vossa vischnanca da domicil.

Tgira d'uffants complementara a la famiglia

En il chantun Grischun n'è la rait da las purschidas da tgira d'uffants ordaifer la famiglia betg extendida dapertut tuttina. A Cuira, a Tavau ed a Samedan po Voss uffant vegnir tgirà en ina **canorta** che sa cumpona da gruppas cun uffants da dif- ferenta vegliadetgna. L'uniun per la tgira d'uffants complementara a la famiglia maina a Cuira in post da cussegliaziun e d'intermediaziun per **geniturs dal di**, per geniturs e per mammas che consegnan lur uffants, sco er en tschintg regiuns posts d'intermediaziun. Famiglias dal di tgirar uffants da mintga vegliadetgna durant intginas uras u durant l'entir di, tut tenor il basegn.

Plinavant avais Vus la pussaivladad da laschar tgirar Voss uffant tras ina **famiglia da tgira** per intgins dis durant l'emna da di u da notg ubain d'al consegnar ad ina tgira permanenta. En auters chantuns existan intginas paucas **«chاسas per mamma ed uffant»**, nua ch'i vegn dà in albiert provisoric (da 3 mais fin 2 onns) a dunnas en speranza ed a mammas cun uffants pitschens. La finanziaziun sto vegnir sclerida ordavant. **:adebar»** As gida.

Adopziun

Sche Vus sco mamma u sco geniturs na pudais betg trair si sezs Voss uffant, avais Vus la pussaivladad da dar liber l'uffant per l'adopziun. Vus al confidais ad ina famiglia adoptiva ch'al pussibilitescha da crescer si en bunas cundiziuns.

Il post svizzer per dumondas d'adopziun è ina instituziun reconuschida dal stadi. Ella As infurmescha a moda cumpetenta davart la procedura d'adopziun ed As gida a trair la decisiun.

Ina infurmaziun ed ina cussegliaziun davart la pussaivladad d'ina adopziun survegnis Vus tar **:adebar»**.

:adebar»